

MINISTÈ YO  
HID



Prezante

Leson Ane 2019

**TÈM: “ENVESTI NAN BON RELASYON NAN MONTRE KRIS LA”**

Pa Licda. Evilanda Solis de cruz.

Distri Santral Salvadò

## Tab matyè

### Entwodiksyon

Leson 1. PLAN BONDYE YO BON NÈT

Leson 2. MOUN BONDYE A DWE PRIDAN EPI AP VEYE

Leson 3. KONSÈY PRAKTIK POU FÒTIFYE GASON KI KRETYEN YO

Leson 4. LAPRIYÈ ENTÈSESÈ A AVÈK KONFYANS NAN SEYÈ A

Leson 5. LAPRIYÈ FÈ NOU RANKONTRE AVÈK BONDYE

Leson 6. LAPRIYÈ, LAFWA AK SANTE ESPIRITYÈL

Leson 7. PECHE KI DETWI NANM NAN

Leson 8. JIS LA GEN POU L VIV PA LAFWA NAN BONDYE

Leson 9. OSBTAK NAN LAPRIYÈ POU KE LI PA GEN REPONS

Leson10. PROVIZYON DIVIN POU BEZWEN DEBAZ YO

Leson11. EPRÈV AK PÈSEVERANS GASON KI KRETYEN AN

Leson12. GASON KI PRIYE AK LAFWA SAN DOUTE A!

Pawòl otè a

### ENTWODIKSYON

HID se yon ministè ki ede gason ki pa konvèti yo ouvè pòt kè yo epi pèmèt ke KRIS rive vin Seyè lavi yo, fasilite kwasans espiyèl gason ki fenk konvèti a atravè akonpayman ak etid bibliik pa mwayen fòmasyon disip la.

Ministè HID (Gason nan Imaj Bondye yo) ede nan kwasans espiyèl chak gason ki angaje yo avèk BONDYE pou yo vin moun ki onèt, fidèl anvè BONDYE, anvè konjwen yo epi anvè objektif yo tou, pandan y'ap vin konvèti an disip JEZI ak tou livrezon epi pasyon, dedye ak fanmi yo, antan ke prèt ak gid espiyèl nan fwaye yo.

#### Misyon :

Vin yon pati enpòtan ak fondamantal nan youn nan chak legliz lokal yo, rive etabli ministè sa, fòtifye ak rive atenn lòt gason yo pou Bondye atravè envèstisman bon relasyon yo.

#### Vizyon :

Se pou gason yo rive pran konsyans osijè de gwo wòl espesyal ke yo jwe nan nwayo famiyal sosyal epi sitou espiyèl, jouskaske yo rive nan yon rechèch de sentete Bondye ki dirab epi san poze.

#### OBJEKTIF JENERAL

Ede gason kretyen yo grandi ak pran matirite nan konesans pawòl la, nan lavi devosyonèl yo, genyen fwi Sentespri a.

#### OBJEKTIF ESPESIFIK:

- Ede gason ki selibatè yo jwenn yon plan pou lavi yo.
- Gide gason yo kiltive bon relasyon matrimonyal yo.
- Ba yo fòmasyon disip pou ke yo kapab fè disip ki pou bay fòmasyon disip nan legliz yo, fwaye, travay, elatriye.

## PLAN YO:

- Motive kreyen yo konsakre yo anba direksyon Sentespri a.
- Chèche pi gwo patisipasyon mesye yo nan adorasyon pou Bondye.
- Fòtifye lavi devosyonèl la.
- Fè evanjelizasyon pèsònèl avèk plizyè lòt gason.

## PROGRAMME PLIZYÈ AKTIVITE POU DEVLOPE:

- Fòme yon komite pami mesye pou planifye tout aktivite yo epi distribye privilèj yo.
- Chwazi direktè zòn avèk plas si legliz la gwo
- Devlope plizyè reyinyon pa semèn, pa kenz jou oubyen pa mwa, avèk lapriyè pou demann yo. Devlopman tèm espesyal yo pou mesye yo, kantik. Temwayaj, vizit ak plizyè lòt ankò.
- Devlope etid fòmasyon disip epi lidèchip, avèk vizyon ministeryèl
- Plizyè lòt aktivite : Fim, prezantasyon an videyo sou enterè pèsònèl ak familyal.
- Vizit ak lapriyè, gason ki pran retrèt oubyen ki pa konvèti.
- Selebri plizyè evènman espesyal avèk plizyè vizyon pou mesye yo.
- Enskri epi pran asistans nan chak sèvis, pou selebrasyon anivèsè yo, vwazinay de, Twa oubyen kat fwa pa lane.
- Selebrasyon anivèsè a avèk yon bèl pwogram.
- Fè fòmasyon disip epi batize nouvo konvèti yo.

## TÈM KI POSIB POU DEVLOPE ANDEDAN PWOGRAM ANYÈL LA

### 1. TÈM ESPIRITYÈL :

“Wòl Bondye pou gason yo” Jan 15:1 (kòm se fwi ou: pitit, madanm, travay, ministè)

### 2. TÈM FAMILYAL :

“Se pa kirye: sa ki plis fasil se pale ak yon zanmi, men difisil **pou nou pale de lafwa nan Jezi Kris la**”

## AKTIVITE GASON NAN IMAJ BONDYE YO

N	DESKRIPSYON AKTIVITE YO	MWA	RESPONSAB
1	Matrikil avèk enskripsyon gason yo.	Depi janvye pou rive pi lwen.	
2	Etabli komite a	Janvye ak Fevriye	
3	Pwograme aktivite anyèl yo	Janvye ak Fevriye	
4			
5	Lòt ankò.		

## KONKLIZYON :

Ministè HID la enpòtan anpil pou genyen ki fòme nan chak legliz lokal yo akòz ke pi gwo popilasyon ke legliz nou yo andedan yo a genyen plizyè laj, adolesan, paran ki selibatè, avèk plizyè pwoblèm diferan, maladi, genyen kèk pami yo ki al soufri, sèlman paske li pat kapab pataje pèn li an avèk lòt moun ki te déjà tonbe nan echèk avèk peche; se la kote ministè pou ede pwochen an.

## LESON 1

Tèm: Plan Bondye yo bon nèt

Tèks : Sòm 37 :3-5

**OBJEKTIF :** Gason nan imaj Bondye yo dwe konprann ke plan Bondye bon nèt pou konfyans ki plase nan pwomès Seyè a .

### ENTWODIKSYON

N ap viv nan yon tan ki difisil anpil kote ke advèsite prezante tout kote, sa mande pou nou genyen pasyans epi rete tann plan Bondye yo ki bon nèt.

Anekdot sa a ap prezante nou plan Bondye yo ki bon nèt.

**“Yon granmoun peyizan te genyen yon cheval ki te sòti nan pak li, lè vwazinay yo wè sa, yo di konsa--ala move chans!--Granmoun nan rele byen fò pou l di konsa : Se pou volonte Bondye fèt.**

**Twa jou aprè, cheval la parèt ak twa lòt cheval ki sanble avèk li. Vwazinay yo di konsa—Ala li gen chans!, sa te fè granmoun nan reponn konsa—Bon, se pou volonte Bondye fèt.**

**Pitit gason peyizan an te vle pran cheval yo pou mete yo nan pak, li tonbe epi yon pye li kase.**

**Vwazinay yo di konsa—Ala move chans!. Granmoun nan reponn yo konsa—Se pou volonte Bondye fèt.**

**Genyen yon lagè ki te eklate nan vil la epi yo te vini chèche dis jèn nan vwazinay la pou al goumen nan lagè a, pitit peyizan an te sove paske li te genyen pye l kase”.**

Nan anpil okazyon genyen bagay ki pase ke nou pa kapab konprann li nan moman an, men se aprè. Nou dwe konnen ke pitit Bondye yo pa gen chans, paske gras Seyè a kouvri yo; se sèlman pasyans ki pou devlope pou nou kapab wè lafwa k ap grandi epi atenn laviktwa. V.1-2 lè Seyè a bon nèt.

Salmis David ban nou twa rekòmandasyon pou nou resevwa repons Seyè a:

#### I. **REMÈT SEYÈ A TOUT KÒZ OU YO. V.3**

Mete konfyans se: depoze tout lavi, fwaye, sante, travay, pitit, madanm, sitou, difikilte chak jou yo. Kòm gason, nou dwe rete fèm epi demontre kilès nou ye.

Pwomès li a se: L’ap swanye nou avèk verite ak sajès pou nou kapab byen simante.

#### II. **METE TOUT KONFYANS OU NAN SEYÈ A. V.4**

Se youn nan fwi vrè konvèsyon an, sa ap ranpli w avèk lapè enteryè, l’ap kondwi nou nan direksyon louwanj, lapriyè, lekti, legliz la.

Pran plezi se jwi Bondye, pou tandè avèk konpreyansyon epi demann nou yo ap jwenn ekout.

#### III. **REMÈT SEYÈ A KÒZ OU YO. V. 5**

Remèt se “Lage nan bra Seyè a” Lè yon moun pa kapab fè anyen, li santi ke tout bagay pèdi; lage se plis ke mete konfyans.

a” Lè yon moun pa kapab fè anyen, li santi ke tout bagay pèdi. Aprann “Lage w nan men Bondye” Bondye fèmen yon pòt epi li ouvè yon lòt, pou w kapab kontinye chemen an ke li te make selon vitès ak plan li yo epi se pa selon pa nou yo.

### KONKLIZYON

Frè mwen an : Pi bon egzanp obeyisans ak konfyans lan nou jwenn li nan Jezi. Matye 26 :39. Pati lòm Jezi a te atriste, se poutèt sa li te ale Jetsemane epi li te priye nan fason sila a : “retire koup sa devan mwen...se volonte ou ki pou fèt...” Jezi te konnen ke akonplisman volonte Papa a te plis enpòtan pase pwòp enterè pa l yo.

Jezi te lage l, li te “remèt li” epi Bondye te fòtifye li, ede li sipòte tout toumant lan akòz de lanmou pou limanite.

Tout gason nan tan ke n ap viv la menm jan avèk Jezi, yo dwe mete konsèy salmis David sa a yo an pratik.

1. Mete konfyans nan Gran Jewova a : Depann de Seyè a
2. Pran plezi nan Seyè a : Antre nan prezans li
3. Lage w nan men Seyè a: Se lage w nan men li
4. Rezilta a se: tout moun va wè ou, tout moun va ran yo kont de gwo mèvèy ke Li fè an favè ou frè mwen. Ann mete konfyans nou nan plan Seyè a, yo bon nèt. Jeremi 29:10

## LESON 2

### TÈM: GASON BONDYE A DWE PRIDAN AK VIJILAN.

#### TÈKS: 1 PYÈ 5:8-9

**OBJEKTIF: Montre gason yo dekouvri ke pote atansyon, vin vijilan epi rete fèm nan lafwa bay laviktwa nan Jezikris.**

Kòm gason ki nan imaj Bondye, nou pa dwe inyore ke satan advèsè nou an genyen yon devwa: Detwi moun sa yo ki genyen, chèche, konsève fidelite Bondye. Apot Pòl pale ak nou atravè Pawòl la avèk yon lòd epi de enperatif:

- I. Se pou nou pridan epi veye. V.8
  - a. “Pridan” dapre lang grèk la, li vle di: Prete atansyon epi toujou ap veye.
  - b. Pyè te fè eksperyans tantasyon an li menm pèsònèlman epi kòman li te tonbe nan pyèj Satan an. Lik 22 :31-32
  - c. Toujou rete ap veye : Li sanble yon pwèn ki legal nan yon tribinal “tankou yon lyon devoran”. Mo dyab la tradwi kòm medizan, “move lènmi” ki toujou pou chèche opòtinite pou akize lèzòm avèk zam sa a yo : Sòm 22 :13-14
    1. Tantasyon
    2. Pèsekisyon
    3. Dekourajman

Gason ki gen kouraj yo : Nou pa dwe kite dòmi pran nou paske Bondye di nou se pou nou toujou rete ap veye.

#### II. KENBE FÈM NAN LAFWA. V.9

- a. Pyè te pran imaj sòlda yon lame ki kanpe fèm fas ak lènmi li
- b. Ou pa kapab poukont ou, w ap bezwen tout zam ke Bondye bay yo. Efezyen 6 :11
- c. Pran zam yo : An mezi ke w ap konnen Pawòl Bondye a, se konsa w ap genyen plis zam ki pwisan pou w atake, Bondye vle ban nou laviktwa. 2 Korentyen 10 :3-5

#### KONKLIZYON

Ann konprann plan Bondye yo. V.10. Pyè kite enspire pa Bondye te konfime nou plan li yo. Kisa yo ye?

- Rann nou bon nèt
- Kenbe nou fèm
- Fòtifye ak
- Fè nou kanpe san brannen

Kat mo sa yo demontre fòterès yon nonm ki fò epi fèm. Se pou w pote laviktwa nan non Seyè a, pandan w ap swiv konsèy sa yo. Toujou fè pridan epi veye.

**LESON 3**  
**TÈM: KONSÈY PRATIK POU FÒTIFYE GASON KI KRETYEN YO**  
**TÈKS : WOMEN 12 :12**

**OBJEKTIF :** Konprann ke lavi gason ki kreyen an pase pa etap kote ke li dwe toujou rete nan lapriyè, kanpe fèm nan tribilasyon an pou yo pa pèdi lajwa Seyè a.

**ENTWODIKSYON**

Pi gwo objektif Apot Pòl se te fòtifye kreyen yo atravè ansèyman biblik yo; rezon se te :

1. Edifye kwayan yo
2. Preche levanjil la
3. Ede ministè li yo atravè don ke li te genyen yo.

Vèsè 12 la nan lèt Women yo anglobe twa konsèy pratik pou lavi chak jou pou gason ki gen kouraj yo.

**I. LAJWA NAN ESPERANS**

Esperans se yon vizyon sou reyaltite avni an, se sa k'ap atann aksyon fidèl Bondye yo. Sa eksprime konfyans. Kolosyen 1:5 esperans k'ap, ke:

- Vin leve nou yon jou
- Yon jou, nou pral patisipe nan nòs ti mouton an
- Yon jou nou va wè li fas a fas
- Yon jou pap janm genyen doulè ankò, tristès, maladi, tribilasyon. Epi Bondye va ban nou kouwòn lavi ki pap janm fini an.

**II. SOUFRI NAN TRIBILASYON AN.**

“Soufri” soti nan mo grèk “thlipsis” ki vle di presyon, peze; li tradwi tou kòm afliksyon oubyen pèsekisyon ak tristès. Pòl te prewokipe pou li te avèti premye kreyen ki te gaye akòz de levanjil yo, lavi kreyen nan pat fasil pou yo, se poutèt sa ke li te vle konfime lafwa yo. Women 8 :35-39. Tribilasyon an vin jwe wòl yon gwo pwa laglwa dapre 2 Korentyen 4 :17, 18, alafwa sa a, li lye avèk esperans lan. Salmis David te di konsa : “Se Bondye ki tout pwoteksyon nou, se li menm ki tout fòs nou. Li toujou pare pou ban nou sekou lè nou anba tray. Se poutèt sa, nou te mèt wè tè a ap tranble, nou te mèt wè mòn yo ap chavire tonbe nan mitan lanmè, nou pa bezwen pè anyen” Sòm 46 :1-2. Pou atenn tout sa yo, bagay sa a yo nesesè :

**III. PÈSEVERANS NAN LAPRIYÈ**

Mo pèseverans lan siyifi: Pèsevere, san poze, toujou rete fèm, avèk desizyon fas ak advèsite a. Pèsevere, pou ki rezon?

- Pou pa dekouraje epi pèdi lajwa

Pou rete fò san pèdi esperans. Jezi te di konsa : “Mwen pale konsa pou nou kapab gen kè poze nan mwen. Nou gen pou n' soufri anpil sou latè. Men, pran kouraj, lemonn deja pèdi devan mwen” Jan 16 :33.

**KONKLIZYON**

Jounen jodi a, malgre tout tristès ke nou genyen, tribilasyon ak pèsekisyon yo, Bondye montre nou lapè li, epi li dirije lajwa pwofon nou nan direksyon rasin esperans lan, men tou li ankouraje nou priye san sès. Se pou nou kapab rete fidèl epi fèm, se pou nou fòtifye nou youn avèk lòt, se lòd Seyè a.

**LESON 4**  
**TÈM : LAPRIYÈ DEMANN NAN AK KONFYANS NAN SEYÈ A**  
**TÈKS : 1 SAMYÈL 12 :23-25**

**OBJEKTIF :** Rekonèt ke se Jezi ki entèmedyè ant Bondye avèk lèzòm, sa montre nou ke nou dwe mete tout konfyans nou nan sèl Bondye ki genyen tout pouvwa a ki an favè tout pitit li yo.

**ENTWODIKSYON**

Après lanmò Samson, te genyen yon jij ki t'ap viv nan peyi Izrayèl ki te rele Samyèl, pitit Èlkana avèk Àn ki te esteril, nonm sa te konsakre pou sèvis Seyè a, li te fidèl ak privilèj e ministè li.

Izrayelit yo te deside fè menm jan avèk lòt nasyon ki te nan alantou yo, yo kòmanse plenyen ap di ke yo bezwen yon wa, (Samyèl 12 :12) yo te fikse je yo sou Nakach (non li vle di, koulèv Amon an, pitit gason pi piti fi Lòt la, se te yon pèp primitif ki te genyen yon pratik etranj, yo te konn komèt peche seksyèl avèk pwòp fanmi yo, menm jan yo te pran nesans lan, yo te konn adore yon dye bwonz ki te rele Molòk). Yo te vle imite pèp Izrayèl la.

Demann sa te fè Seyè a fache anpil; sepandan, li te bay aksè epi nome Sayil kòm Wa, li menm ki te fayi epi dezobeyi Seyè a, epi Li te kraze wayòm li an.

Samyèl te fè yon diskou pou di adye, li te vle fè yo sonje pouvwa Seyè a; li pi bon pou mete konfyans nan Seyè a olye pou mete konfyans nan pitit wa yo.

Nan okazyon sa a, nou pral aprann sou lapriyè entèsesyon Samyèl la èvèk konfyans nan Bondye nou an.

**I. ANN METE KONFYANS NOU NAN SEYÈ A**

- a. Pèp la te peche lè li te mande yon wa 1 Samyèl 12 :19, yo te mete tout konfyans yo nan wa a (12 :12-13)
- b. Yo te bliye Seyè a lè yo te mete konfyans yo nan lòm, David konseye (Sòm 118:8-9)  
Samyèl, malgre li te avanse nan laj, li te rann li kont ke pèp li a te bezwen oryantasyon epi li te ajoute sekou ki soti nan Bondye a.

**II. LAPRIYÈ V. 23A**

Samyèl te angaje li pou priye pou pèp Izrayèl la paske li te renmen li epi se li menm ki te entèmedyè a ant pèp la avèk Bondye.

Kounye a nou menm tou nou genyen yon entèmedyè. Jezi di konsa, si nou mande Papa a yon bagay nan non mwen, m' ap fè l pou nou. Jan 15:16.

Samyèl te entèsede pou pèp li a, li te konnen ke li t'ap fè peche si li pat priye pou yo.

Menm jan avèk Samyèl, jodi a li nesèsè pou nou priye pou pitit nou yo, madanm, frè ak sè...ann aprann sou Samyèl.

**III. ENSTRIKSYON V.23b**

Enstriksyon an, dapre langaj orijinal la se konesans ak eksperyans ke yon moun ranmase. Samyèl se te pi bon Mèt la pou pèp Izrayèl, Izrayèl te pran echèk nan plizyè okazyon, paske li pat obeyi enstriksyon yo epi paske li pat priye tou.

**KONKLIZYON**

Samyèl te egzòte yo alafin v. 24, akòz de rekonesans, yo te oblije genyen krentif epi sèvi Seyè a, epi li te avèti yo V.25, Kòm santinèl fidèl ki pou libere nanm yo, yon ti tan aprè, yo te gentan bliye sa Seyè a te fè yo. Kisa Seyè a te fè pou ou frè mwen? Èske w kapab temwaye sou mirak ki te opere nan favè ou yo avèk fanmi ou? Pataje avèk lòt mesye yo.

**LESON 5**  
**TÈM: LAPRIYÈ FÈ NOU RANKONTRE AVÈK BONDYE**  
**TÈKS: JEREMI 29:11-13**

**OBJEKTIF:** Konprann ke Bondye vle byennèt nan yon fason ki entegral pou gason yo, men yo dwe sensè, enb epi priye avèk yon kè ki pwòp pou ke yo kapab resevwa bon rezilta.

**ENTWODIKSYON**

Jeremi bay yon konsèy ak Izrayelit yo ki te nan esklavaj nan peyi Babilòn pou ke yo te fè tout sa ki posib pou yo te viv kòm kolonizatè. V.4-10, pa mwayen pwofèt sa li te ba yo enfòmasyon epi rekòmande yo bagay sa yo:

**I. PRIYE POU SA KI VIN NASYON LI AN KOUNYE A. V. 7**

- a. Pandan y ap viv nan tè etranje sa, yo te dwe fè lapè epi priye pou li, deja ke byennèt yo te depann de yo menm.
- b. Jounen jodi a nou dwe priye epi entèsede pou koloni kote n ap viv la, pwokire byennèt ak kè poze pou genyen trankilite, deja ke felisite nou de depann de yo.

**II. BONDYE ETABLI PANSE LAPÈ. V.11**

- a. Sa a asire entansyon yo ke Bondye genyen pou l pote benediksyon nan lavni. “Se mwen ki konnen sa m' gen nan tèt mwen pou nou. Se mwen menm Seyè a k'ap pale. Se byen nou mwen ta vle wè, pa malè nou. Mwen ta vle denmen nou jwenn sa n'ap tann lan” V.11
- b. Bondye te ba yo chans pou yo te patisipe na pa mwayen lapriyè sensè. V.13 lè sa ale depi nan fon kè. Se sa ke Bondye ap atann de gason yo jounen jodi a.

**III. RECHÈCHE EPI RANKONT AVÈK SEYÈ A. V.14**

- a. Seyè a di, se konsa ke nou va jwenn mwen
- b. Seyè a reponn lapriyè, paske li genyen pon panse pou nou; panse kè poze epi se pa panse pou fè nou mal. Pafwa, nou konn chèche pwòp echèk nou yo paske nou vire do bay Seyè a. Ann aprann de pasaj bibliik sa, pou byennèt pitit nou yo.

**KONKLIZYON**

Vèsè sa a yo fè nou konprann ke li enpòtan pou ke nou toujou an kominikasyon avèk Bondye atravè lapriyè avèk senserite. Se pou nou rankontre avèk Seyè a jodi a menm pa mwayen lapriyè.



**LESON 6**  
**TÈM : LAPRIYÈ, LAFWA AK SANTE ESPIRITYÈL**  
**TÈKS : JAK 5 :13-16**

**Objektif :** Anseye gason an ke li pa poukont li, li genyen Papa a, Pitit la ak Sentespri a li menm ki toujou la pou konsòle li nan moman tristès ak doulè atravè lapriyè.

**ENTWODIKSYON**

Granmoun Jak fè nou konnen ke lapriyè se sèl bagay ki rekòmande pou bannou sante entegral.

Nan tan sa ke n ap viv la, apot Jak ap egzòte osijè de konpòtman nou fas ak afliksyon e pwoblèm; pi gwo dwa gason an nan tout sikonstans dwe LAPRIYÈ.

Nan ki domèn?

**I. LAPRIYÈ A KAPAB RESTORE GASON KI ATRISTE A. V.13**

- a. Aflije nan lang grèk la se “kakopatheo” vle di soufri doulè, li kapab anglobe tristès tankou fizik, mantal, emosyonèl, finansyè ak espiyèl.
- b. Nou gen pou nou soufri anpil nan mond lan. Jan 16 :33, men nan tout sa yo, genyen yon lajwa kè poze ki la a, paske se nan Kris la viktwa ye.  
Jak di konsa : èske genyen kèk nan mitan nou ki aflije? Fè yon priyè! Òdone resèt lapriyè a tankou premye repons pou nenpòt kalite maladi.

**II. LAPRIYÈ A KAPAB RESTORE GASON KI MALAD LA. V.15**

- a. Fas avèk maladi a, se toujou menm repons lan : lapriyè avèk lafwa.
- b. Malad soti nan mo grèk “astheneo” ki vle di, vin san fòs, febli, genyen yon remèd : rele granmoun yo, sa vle di ke ou pa kapab soufri poukont ou, envite lòt moun vin patisipe nan maladi a.
- c. Men genyen plizyè lòt tradiksyon “soso” ki siyifi sove ak restore. Matye 9 :2 “Jezi wè jan moun yo te gen konfyans nan li, li di nonm paralize a: Pran kouraj, pitit mwen, peche ou yo padone”. Restorasyon fizik ak espiyèl. V. 15b

**III. LAPRIYÈ A RESTORE GASON KI FEBLI AKOZ DE PECHE A. V. 16**

- a. Sa fè referans ak sa yo ki te pèdi kouraj, ki santi defayans espiyèl.
- b. “athenero” tou entèprete kòm doulè, se fòm ki plis apwopriye pou dekrive yon maladi espiyèl, Matye 4:23, Ebre 12:12-13

**KONKLIZYON**

Lapriyè a ankouraje yon rekiperasyon fizik ak espiyèl, se poutèt sa ke lè genyen kriz, tristès, defayans oubyen feblès, remèd la se PRIYÈ.

Pou gason ki dekouraje ak pèdi espwa tou, epi san fòs, genyen pwomès restitasyon atravè lapriyè ak konfesyon. V.16

Bondye vle ba li yon sante entegral pou nanm nan, kò avèk lespri.

**LESON 7**  
**TÈM: PECHE KI DETWI NANM NAN**  
**TÈKS: EZAYI 1:1-5**

**OBJEKTIF:** Konprann ke peche a se yon mal mòtèl ki detwi nanm nan epi ki fè gason an mouri si li pa pwoche bò kote Seyè a avèk yon kè ki enb pandan l ap konfese peche li yo.

**ENTWODIKSYON**

Pa genyen okenn moun ki t'ap jije bon pou l ta detwi pwòp tèt li ak tout volonte li pandan l'ap enfekte tèt li avèk kèk maladi enkirab oubyen pran kèk pwazon avèk yon senp plezi pou detwi tèt li, fè sa se ta yon foli. Se bèl ke nou menm lèzòm nou konnen kijan pou nou pwoteje kò a, men nou detwi nanm nan. Peche a detwi nanm nan. Si tout moun ta pwoteje nanm yo menm jan yo pwoteje kò yo, pèsòn pa t'ap peri.

**Ki sa nanm nan ye?**

Nanm nan se yon pati nan lòm enteryè nou. Se pati sa nan nou ke mòtalite a abite, sa vle di, se la nou defini byen ak mal. Nan kèk okazyon tou, Bib la fè referans avèk li kòm 'kè lòm nan' oubyen konpreyansyon li (rezon). Peche a kòwonpi epi degrade pati sa nan nou. Se pa san rezon ke Sentespri a di konsa: "Pase tout lòt bagay, veye byen lide k'ap travay nan tèt ou, paske se yo k'ap di ou ki jan pou ou viv" Pwovèb 4 :23).

**KÒMAN PECHE A KONPARE?**

**1. BLESE:**

Nan mond sa ke n'ap viv la, genyen anpil fanm avèk gason toumante k'ap viv avèk blesi espiyèl ki byen grav ki bezwen baday ak gerizon (Pwovèb 17 :22). Moun yo fè tèt yo mal youn kont lòt, pa mwayen kèk zak egoyis, vyolans ak abi ki pwodwi tristès, doulè ak dezespwa. Men, pou ki rezon sikonstans etonan sa yo egziste? Akoz de peche a.

**2. ANFLAMASYON :**

Kè a anfle akoz de peche, li tèlman anfle sa fè ke li vin ensansib, moun nan ofanse moun san li pa genyen okenn mizèrikòd, genyen anpil lòt ki menm tonbe nan pwoblèm ki fè li touye lòt moun. Anplis de sa, yo konn ap blese tèt yo ti kras pa ti kras san ke yo pa menm rann yo kont ke y'ap mouri.

**3. MALENG POURI :**

Pou konprann kòman peche a detwi nanm nan, nou kapab pran yon egzanj pratik. Youn nan anpil maladi ki plis mansyone nan Bib la se lèp. Nan epòk sa yo pat genyen trètman medsen yo. Se konsa menm ke peche a aji sou nanm nan. Li kòmanse ak yon bagay ki sanble san defans epi fini pa konsonmen lavi moun nan.

Diferans lan sepaske lèp la kapab dekouvri a pati de sentom ki kapab obsève, men pou konnen ke peche a ap detwi lavi yon moun, li nesèsè pou genyen lòt kalite evidans. Bib la se paramèt nou. (Jenèz 2 :17). Peche a vini avèk tout lanmò li.- Moun ki fè peche yo ale lwen Bondye ak limyè a volontèman, "Jan 3 :20).

**KONKLIZYON**

Genyen yon remèd pou kalite mal sa yo (blese, anflamasyon ak maleng pouri) V. 18

- Nou mèt vini atò! Vini vit.
- Ann regle koze a
- Menm si peche nou yo ta tache wouj kou san sou tout kò nou, m'ap lave nou. M'ap fè nou vini blan kou koton.

Bondye di w vini kounye a, sonje ke lavi w an danje epi ou prèt pou w mouri, ann kouri al jwenn medsen diven an k ap ofri gerizon gratis pou maladi sa a k ap touye nanm ak lespri moun.

**LESON 8**  
**TÈM : JIS LA AP VIN PA LAFWA NAN BONDYE**  
**TÈKS : ABAKIK 1 :1-4**

**OBJEKTIF :** Aprann konnen ke Bondye fè sa li vle epi li genyen tout bagay anba kontwòl li, li sèlman bezwen pou nou imilye nou, obeyi epi mande padon pou peche yo yon fason pou nou kapab jwenn repons nan men Seyè a.

**ENTWODIKSYON**

Abakik ki se wityèm liv nan ti pwofèt yo te pwofetize nan fen rèy gouvènman Lasiri a epi nan kòmansman gouvènman peyi Babilòn nan.

Mesaj Abakik sa te parèt kòm yon reklamasyon Bondye atravè yon dyalòg, yon plent pou limyè epi rasanble avèk yon lapriyè ak adorasyon.

**I. REKLAMASYON ABAKIK LA**

- a. Wayòm peyi Jida a te vin tonbe nan enjistis. San pitye epi vyolans lan t'ap fè laray nan mitan pèp Bondye a ki t'ap preche laverite. V.3 – Yo te konn fè pwochen yo mechanste
- b. Se kòwonpi yo ki te konn ap manipile jistis la epi yo te konn entèprete li jan ke yo te pi pito. V.4
- c. Doulè pwofèt Abakik la se te: Jous kilè Seyè? Izrayèl te vire do bay Seyè a epi yo te tounen vin adore zidòl ankò (2 :18-19)

**II. REpons SEYÈ A. V.5-6**

- a. Yon pwofesi ke Seyè a bay pou Abakik
- b. Bondye te vire do bay Jida, paske yo pat gen krent pou Seyè a
- c. Remèd la te pi mal pase pwoblèm nan

**III. MOMAN LAFWA. Chap.2:4**

- a. Panse Abakik la òdone epi fè yon lapriyè. Chap.3:2
- b. Abakik mete fen nan priyè a avèk yon chan louwanj ak adorasyon. Chap.3:17-18
- c. Èske w konnen pou kisa?
- d. Bondye souverèn, li konnen sa l fè a
- e. Nou bezwen antre nan moulen doulè a, pou nou pran fòm epi imilye nou devan Bondye.

**KONKLIZYON**

Ann analize kòman sitiyasyon nou ye jounen jodi a, èske se menm reklamasyon an ke n'ap fè? Jouskilè Seyè?

- Jouskaske nou pran fòm
- Jouskaske nou imilye nou
- Jouskaske nou mande padon
- Jouskaske nou preche pawòl li a epi konvèti
- Jouskaske nou konprann otorite li. Jòb 42 :5,
- Jouskaske nou adore epi abese ak viv pa lafwa. Women 1 :17

**LESON 9**  
**TÈM : OBSTAK NAN LAPRIYÈ DÈSKE LI PA JWENN REPONS**  
**TÈKS : JAK 5 :16**

**OBJEKTIF :** Konprann ke genyen plizyè obstak nan lavi gason an ki mande repons lapriyè yo.

Yon obstak se sa ki anpeche ak pa oubyen akonplisman kèk rèv; ki anpeche pasaj oubyen avansman devlopman yon aksyon.

Jak fè nou konnen ke lapriyè se yon bagay ki pwisan, sa vle di ke genyen lapriyè ki pa genyen rezilta oubyen efikas. Pou kisa?

Se paske nan lavi gason ki kretyen an genyen anpil sikonstans ki anpeche lapriyè a fèt nan yon fason ki efikas, se sa a yo ki rele OBSTAK la.

Pou retire obstak yo sou chemen lapriyè a, apot Jak konseye bagay sa yo:

**I. KONFESE OFANS YO**

- a. Konfese a se : Admèt pwòp peche w, li soti nan mo grèk “Homologeo” ki vle di pale di menm bagay la, dakò.
- b. Kisa nou dwe konfese? Peche, ofans yo, deviyasyon de ladwati, li genyen ladan li peche nan kè a : move lanvi, rayisans, avaris, ipokrit. David pat rete avèk peche a epi konfese, selon sa ke li te dekrive nan Sòm 51.
- c. Nou dwe konfese peche nou yo, nan ka kontrè, se kè nou n ap fè di, nou antre nan rebelyon avèk Bondye epi nou atriste Sentepri a.

**II. DOUT AVÈK MANK DE FWA. V.1 :6**

- a. Doute se pa kwè, se tankou pa mete konfyans nan pouvwa Bondye.
- b. Dout lagen pou wè avèk yon separasyon ki egziste ant panse a avèk diferans ki andedan moun nan, mete konfyans nan Bondye.
- c. Li sanble lanm lanmè a ki pa pran repo. Jezi te mande sa nan Mak 11 :24-25.

**III. KISA NOU KAPAB FÈ POU KE LAPRIYÈ A KAPAB JWENN REPONS**

- a. Konnen byen ke entansyon ak bi lapriyè a konfòm avèk volonte Bondye. Jak 4 :3
- b. Konfese peche nou yo. Jak 4 :8
- c. Mande padon: Pwazon k’ap wonje zo yo, se mank de padon. Nou dwe geri move relasyon sa yo, pandan n ap padone ak mande padon. V. 15-16; Mak 11 :25-26
- d. Piga nou sispann priye. 2 Tesalonisyen 5 :17, Priye san sès.  
Lapriyè a se youn nan plizyè mwayen ki genyen pou fè echanj kominikasyon avèk Bondye.

**KONKLIZYON**

Frè mwen: Fè atansyon pou w pa tonbe nan sitiasyon pèsònèl yo ki anpeche kominikasyon avèk Seyè a byen pase, Bondye vle byennèt pou gason an, men pa fwa se moun nan ki sèvi kòm pwòp obstak li ki anpeche benediksyon ke Bondye genyen prepare pou bay la rive.

## LESON 10

### Tèm : PWOVIZYON VIVIN POU BEZWEN DE BAZ YO

#### Tèks : MATYE 6 :31

**OBJEKTIF :** Konprann ke Bondye genyen tout materyèl nesèsè yo pou li satisfè bezwen gason ki plase tout depandans li nan men Bondye ki genyen tout pouvwa a.

#### ENTWODIKSYON

Nou menm gason yo dwe konnen ke Bondye nan gwo mizèrikòd li, Li fè nou vin fè pati wayòm li an, se poutèt sa ke li vle fè de lavi kretyèn nou yon priyorite nan moman ke n'ap viv sou latè, pou sa ki konsène bagay

Bondye yo epi konsa, akonpli kòmandman prensipal la.

Genyen twa kesyon ke grèk ki pa konnen pouvwa Bondye yo te poze.

#### I. KISA NOU PRAL MANJE? V.26

Aliman fizik la vital pou kò a pou li kapab gen fòs, pou li nourri, pou ba li enèji pou fè travay chak jou yo.

Men, Bondye mande yo pou yo ajoute aliman pou nanm ak lespri yo tou, atravè Pawòl Bondye a, Jezi te di konsa : “Lòm pa viv sèlman avèk pen, men pito avèk tout Pawòl ki soti nan bouch Bondye” Matye 4 :4, Jezi se pen vivan ki desann soti nan syèl la. Jan 6 :35.

Li fè pwovizyon pou ou, li pa vle pou w ap soufri grangou, se pou nou byen fòtifye pou nou pa tounen yon ti viktim fasil pou lènmi an si li jwenn nou fèb, Bondye ap chèche byennèt la nan lavi kretyèn nou chak jou, pandan li founi yon mwayen lagras Jan Pawòl la ye a pou ke gason Bondye a kapab pran plezi li chak jou pa mwayen lekti a.

#### II. KISA N AP BWÈ? V.25

Se lòt kesyon Sen ou poze tèt nou chak jou, ki se yon lòt bezwen fizik ke nou chèche satisfè pa pwòp mwayen pa nou yo pou nou ranpli kò nou yo.

Men Bondye nan gwo mizèrikòd li, bannou nouriti pou nanm nan ak lespri a tou.

Anpil fwa n ap santi nou dezidrate, kote ke nanm nan ap twouve li nan kondisyon de feblès akòz de nesèsite yo; men nan okazyon sa a Bondye la pou li ofri: “Men, moun ki va bwè nan dlo m'ap ba li a, li p'ap janm swaf dlo ankò. Paske, dlo m'ap ba li a ap tounen yon sous dlo nan li k'ap ba li lavi ki p'ap janm fini an” Jan 4:14.

Sa vle di ke l ap pase swaf espiyèl la, epi anplis de sa, ou pral sèvi kòm yon sous ki pou kapab satisfè bezwen plizyè lòt gason, fanm ak jèn moun k'ap viv menm bezwen an.

#### III. KI RAD NOU PRAL METE SOU NOU? V.28

Se yon lòt kesyon ke anpil moun toujou ap poze, sa se yon lòt bezwen de baz ki nesèsè pou jwenn satisfaksyon, fizikman nou abiye pou nou mache, men espiyèlman n'ap mache tankou anfan pwodig la tou debachi ke Papa li te mande sèvitè li yo : “Fè byen vit, pote pi bon rad la epi abiye li pou mwen...” Lik 15 :22. Bondye vle ban nou pi bon abiman, Bondye pa vle wè nou avèk vye rad debachi tou sal nou santi fò, Li pa vle pou nou enspire bagay ki dezagreyab, epi nan fason sa a nou pap kapab resevwa envitasyon pou nòs ti mouton an epi pa kapab antre avèk vye rad sal yo, Bondye bannou abiman. Nou jwenn pawòl sa yo nan liv Revelasyon an : “Aprè sa, mwen gade ankò, mwen wè yon gwo foul moun. Pesonn pa t' kapab konte kantite ki te gen ladan li. Se te moun tout lòt nasyon, tout kalite ras, pèp tout peyi ak tout lang. Yo te kanpe la devan fòtèy la ak devan ti Mouton an. Yo te gen rad tou blan sou yo, yo te gen fèy palmis nan men yo” Revelasyon 7 :9.

#### KONKLIZYON

Bondye vle founi tout materyèl ki nesèsè yo pou ke lèzòm kapab viv yon lavi nan abondans, men sa mande pou yo depann de Seyè a konplètman avèk lafwa ki kapab bay ranman pou lavi ki pap janm fini an tou, pou sa rive reyalize, nou dwe chèche wayòm Bondye a avèk jistis la anvan pou ke lòt bagay yo kapab vini kòm degi, se sa ki plis entèrese Bondye pou lòm; konsa, si nou deja sove, nou se mesajè ki dwe ale montre zanmi nou yo gwo lanmou Bondye a.

**LESON 11**  
**TÈM: EPRÈV AK PÈSEVERANS GASON KI KRETYEN AN**  
**TÈKS: JAK 1:1-4**

**OBJEKTIF:** Anseye ke gason ki kretyen an pa dwe pèdi lajwa lavi etènèl li menm si tan genyen sikonstans ki difisil, pou rive genyen kòm rezilta, matirite ak kominyon ki pwofon avèk Bondye.

**ENTWODIKSYON**

Kretyen jwif yo te konn soufri anpil pèsekisyon, yo te kouri kite pwòp nasyon pa yo a, paske yo te konn swiv Jezi. Yo te maltrete epi genyen anpil lòt ki te soufri jouska lanmò tankou Etyèn. Jak, demi frè Jezi a bay anpil konsèy saj ki gide pa pouvwa Sentespri a pou chak gason nan pelerinaj kretyen yo. V. 1

**I. SE POU NOU GENYEN ANPIL KÈKONTAN. V.2**

- a. Mo grèk “genyen” entèprete tankou: “konsidere” oubyen “evalye”. Reyaksyon moun nan se yon bagay ki natirèl fas ak eprèv yo, se pa negosye, men pito se kontrekare eprèv la avèk responsablite san pèdi lajwa lavi ki pap janm fini an, lajwa kretyen an, vin pitit Bondye a.
- b. Reyaksyon fas ak eprèv yo. Se kritè ki itilize pou egzamine kalite kretyen ke w ye a. Men, eprèv la pwodwi:
- c. Pasyans. V.3 ki twadwi kòm “paciencia” oubyen “perseverancia”, kretyèn nan aprann reziste fas ak presyon eprèv la avèk fèmte jouskaskè Bondye retire li nan tan li oubyen nan “Kairos” li, an mezi ke li jwenn benefis ke li te bezwen yo nan pwosesis la. 2 Korentyen 12:10  
Ki rezilta genyen anpil kè kontan an bay?

**II. PAFÈ EPI KONPLÈT . V.4**

- a. Pafè a se atenn matirite espiyèl la
- b. Apwobasyon lafwa a bay moun nan kapasite pou l genyen yon kominyon ki plis pwofon avèk Bondye ak yon pi gwo konfyans nan Kris la, kalite ki kapab a la fwa yon karaktè ki estab, onèt ak jis. 1 Pyè 5:10.
- c. Konplèt: “konplèt” se yon mo ki konpoze avèk mo grèk li kote ke li siyifi “tout pati yo rasanble pou fè yon sèl”. Konplèt (Kolosen 2:10)  
Konplèt epi pafè gen relasyon avèk abondans. V. 9  
Ranpli konplètman, Bondye te fè yon zèv ki konplèt a travè delivrans lan, li te sele lè li te achte nou avèk pris an li.

**KONKLIZYON**

Frè mwen: Aprè w fin genyen gwo lajwa nan mitan eprèv yo, ou gen pasyans epi atenn pèfeksyon an, kounye a, mande avèk lafwa epi pa doute, avèk yon konfyans esperans epi trankil nan yon Bondye ki souverèn ki konn founi nesesisite yo, li la ansanm avèk nou jodi a, men ou dwe genyen pèseverans.

**LESON 12**  
**TÈM: GASON KI PRIYE SAN DOUTE A!**  
**TÈKS: MAK 11:20-26**

**OBJEKTIF:** Anseye ke gason ki nan imaj Bondye yo, nou dwe priye, mande padon epi padone, priye avèk lafwa, pa doute pou ke lapriyè yo jwenn repons ki soti nan Bondye pou bay anpil fwi.

**ENTWODIKSYON**

Lapriyè a se yon mwayen ki pèmèt nou pale avèk Seyè a, se mwayen lagras epi se zam pwisan kont lènmi an; men li relye avèk lafwa nou li menm k'ap ede nou resevwa sa ke nou te mande l la.

**I. DEMONSTRASYON JEZI SOU POUVWA LI. V. 11:12-14**

“Nan denmen, antan yo t'ap soti Betani, Jezi te grangou. Depi byen lwen, li wè yon pye fig frans ki te plen fèy. Li al wè si li ta jwenn kèk fig frans sou li. Men, lè li rive kote l', se fèy ase li jwenn, paske se pa t' sezon fig frans. Lè sa a, Jezi pale ak pyefig frans lan, li di li: -Pesonn p'ap janm manje fig ou donnen ankò. Disip yo te tande sa l' te di a”.

**II. JEZI MANDE LAFWA POU AJI. V.22-24**

“Lè sa a, Jezi pran lapawòl, li di yo: -Se pou nou toujou gen konfyans nan Bondye. Sa m'ap di nou la a, se vre wi: si yon moun di mòn sa a: Wete kò ou la, al jete ou nan lanmè, si l' pa gen doutans nan kè l' menm, si l' gen fèm konviksyon sa l' di a gen pou rive, la wè l' rive vre. Se pou sa mwen di nou: Tou sa n'ap mande lè n'ap lapriyè, si nou gen fèm konviksyon nou resevwa l' deja, n'a wè sa rive vre”.

**III. DE KONDISYON : MANDE PADON AK PADONE V. 25-26**

- a. Mande padon. Se premye kondisyon an, déjà pa pwòp eksperyans David di konsa : “Tank mwen pat ankò vle rekonèt peche m' yo, mwen t'ap cheche sou pye. Tout lajounen, mwen t'ap plenn” Sòm 32 :3, Bondye entèrese ak sante enteryè tout moun.
- b. Padone : Padone se bliye ofans yo, si nou pa padone, kè a ap malad pandan l ap ranpli ak remò, ranpli ak rayisans epi chaje ak plent kòm rezilta, sa fè nou pa jwenn benediksyon Bondye.
- c. Kondisyon sa yo bay lapè enteryè, epi sante entegral, Bondye vle pou ke pitit li yo ki fè ak imaj li genyen bon sante nan nanm, kò avèk lespri yo, epi se pou yo tout santifye tou. 1 Tesalonisyen 5 :23

**KONKLIZYON. V.33**

Seyè toujou genyen menm otorite a pou li chase demon yo, geri tout maladi, pouvwa li kontinye ap opere mirak yo, li sèlman mande nou bagay sa yo :

- a. Priye avèk lafwa
- b. Mande padon
- c. Padone



Depi nan biwo a:

Chè frè mwen “Gason nan Imaj Bondye a”, se yon plezi pou mwen pataje leson sa yo ki pral ede nan kwasans ak fòtifikasyon espirityèl kòm mwayen lagras; Ou dwe pataje ministè sa a avèk tout lòt gason ki nan legliz ou, sa ape de nan “investisman bon relasyon k’ap mennen zanmitay yo, akonpayman ak fratènite” : sonje ke Bib la di konsa : “Men ki jan pouvwa Papa m' lan va parèt ak lè: se lè nou donnen anpil, lè nou fè wè se disip mwen nou ye” Jan 15 :8.

Bondye nan gran mizèrikòd li bannou anpil don pou nou itilize fas ak lòt yo konfòm avèk gras li, pandan n ap pataje evidans Pawòl Bondye yo avèk manifestasyon pèsònèl li yo ki te pote chanjman nan lavi yo chak, pou ke Bondye kapab rele nou disip.

Nan kòmansman an mwen te ekri plan an pou ke w ajoute non legliz ou a, pwòp aktivite ki gen pou devlope yo, bidjè avèk anpil lòt chanjman selon jan w wè sa, entansyon mwen se fè w travay fasil, epi gen kèk kote ki pa genyen yon manyèl, kidonk, plan sa enpòtan pou nou devlope.

Avèk Lanmou nan Kris la.

Presbitè : Lic.Evilanda Solís de Cruz.

#### **BIBLIYOGRAFI:**

- Bib : Plenitud-MacArthur
- Kòmantè Beacon
- Kòmantè Bib Arcoíris
- Diksyonè bibliik
- Entènèt